



Azpeitiko Udala

JUAN DE ANTXIETA MUSIKA ESKOLA ELKARTEARI ZUZENENKO DIRU-LAGUNTZA EMATEA ARAUTZEN DUEN HITZARMENA. (57D)

-Diru-laguntza zuzena bideratzeko lankidetzaren hitzarmena-

Azpeitian, 2021ko martxoaren 1ean

BILDURIK

Alde batetik, **NAGORE ALKORTA ELORZA**, NAN 72.471.832-M duena, Azpeitiko Udalaren alkate-udalburua,

Bestetik, **M^a JOSE BIKENDI ARANAGA**, NAN 72.437.416-J duena, **JUAN DE ANTXIETA MUSIKA ESKOLA ELKARTE**ko zuzendaria (G20092078).

BERTARATU DIRA

Lehen, Azpeitiko Udalaren ordezkari-lanetan, Udalbatzak 2019ko ekainaren 13an egindako bilkuran hartutako erabakiaren bidez egintza honetarako baimendua.

Eta bigarrena, **JUAN DE ANTXIETA MUSIKA ESKOLA ELKARTE**ko ordezkari-lanetan, bere organo gorenak 2010eko abenduaren 29an notario aurrean zuzendaritza batzordearen erabakiaren bidez honetarako baimendua.

Bi aldeek aitortzen diote elkarri agiri hau izenpetzeko eta jarduteko behar den gaitasun juridikoa eta honakoak azaltzen dituzte:

AURREKARIAK

Euskadiko Toki Erakundeei buruzko apirilaren 7ko 2/2016 legearen 17 artikulua udalerrien eskumen propioak arautzen ditu. Lege horretan eta aplikatu beharreko legerian xedatutako esparruan, udalerriek kultura eta kultura-jarduerak antolatzeko eta sustatzeko eskumena izango dutela jaso da.

Azpeitiko herrian Juan de Antxieta Musika Eskola Elkarte 1982ko uztailaren 7an sortu zen. Bere helburu nagusia tradizioan oinarritutako dantza eta musikaren alorretan prestakuntza praktikoa ematea eta gaitasun eta bokazio berezia erakusten dituztenak ikasketa profesionaletarako prestatzea da.

Juan de Antxieta Musika Eskolak Azpeitiko gizartean garrantzi eta xarma handia izan du; batetik, herritarren prestakuntza sustatzeagatik eta bestetik, Azpeitiko kultur sorkuntza eta programazioa aberasten laguntzeagatik komunitatearen garapena eta kulturartekotasuna bultzatuz. Hori horrela, azpimarratu behar da Musika Eskolak jendartean duen eragina, zenbat azpeitiarrek parte hartzen duten taldean, elkartearen finkatze maila, ematen den zerbitzua, izandako ibilbidea,



jarraitasuna eta egonkortasuna.

Musika ikastegi pribatu hau urte askotan udalarekin lankidetzan aritu da bai musika tradizioa berreskuratzearekin lotutako proiektuak sustatuz, festa eta jai herrikoietan esku hartuz, bai eta bandak eskainitako ekitaldi kulturaletan eta jaialdietan parte hartuz ere.

Modu berean, Elkarte honek kultura eta festa alorrean, musika bandarekin batera kontzertuak, emanaldiak eta ikuskizunak eskaintzen ditu, kultur ekintza horietan parte hartzen duten musikariak musika eskolaren bitartez heziz. Horretaz gain, eskola honek Azpeitiko Musika Bandaren zubi lana burutzen du, hertan dauden beharrak aztertzeko eta horiek dinamizatzeko helburuarekin.

Laguntza hau Azpeitiko Udalaren 2020-2022ko Diru-laguntzen Plan Estrategikoaren barruan sartzen da. Plan horren ardatz estrategikoan eta diru-laguntza-lerroen artean dago Juan de Antxieta Musika Eskola Elkarteak ematen dituen arautu gabeko musika-irakaskuntzen finantzaketa-prozesuari jarraipena ematea.

Juan de Antxieta Musika Eskola Elkartearen 2020-2021 ekitaldia gauzatzeko, Udalak 2021. ekitaldirako aurrekontuan 80.400 €ko diru-laguntza izenduna aurreikusi du, proiektuak herrian kultura dinamizatzen laguntzen duelako.

Diru-laguntzei buruzko azaroaren 17ko 38/2003 Lege Orokorrak 22.2 artikuluan xedatzen du Toki Administrazioeko aurrekontuetan aurreikusitako diru-laguntza izendunak zuzenean eman ahalko direla, betiere, diru-laguntza arautzen duen hitzarmenean eta diru-laguntzak arautzen dituen araudian jasotako baldintzetan.

Lege bereko 28. artikulua diru-laguntzak zuzenean emateko prozedura arautzen du, zehaztuz, hitzarmenak direla Toki Administrazioek aurreikusitako diru-laguntza izendunak bideratzeko ohiko tresnak. Hitzarmenek, legean xedatutakoa betez, aplikagarriak diren baldintzak eta konpromisoak jasoko dituzte.

Uztailaren 21eko 887/2006 Errege Dekretuko 65. artikulua arabera aurrekontuetan aurreikusitako diru-laguntza izendunak izango dira, xedea, aurrekontu-zuzkidura eta onuraduna aurrekontuaren gastuen egoera-orrian berariaz zehaztuta dituztenak. Gainera, diru-laguntza horiek emateko prozedura ofizioz hasi daiteke edo eskatuta eta diru-laguntza arautzeko oinarri izaera izango duen hitzarmenarekin amaituko da.

Hitzarmen hau sinatzen da Azpeitiko Udalaren eskumenen egikaritzan, hain zuzen, Euskadiko Toki Erakundeei buruzko apirilaren 7ko 2/2016 Legearen 17.20 artikulua xedatutakoaren arabera.

Beraz, diru-laguntzen Lege Orokorrean eta aplikagarria den gainerako araudian ezarritakoa betez, bi aldeek hitzarmen hau izenpetzeko erabakia hartu dute, ondorengo baldintza edo xedapenen arabera:





Azpeitiko Udala

1. HELBURUA

Hitzarmen honen xedea da JUAN DE ANTXIETA MUSIKA ESKOLAREN aldeko diru-laguntza zuzena arautzea, Elkarteko funtzionamendu-gastuak finantzatzeko.

Elkarte horrek, 2021 ekitaldirako aurreikusitako jardueren egitasmoak bideratuko ditu Azpeitiko udalarekin koordinatuta eta honako jarduera hauek bultzatuko ditu ezinbestean:

- Herriko heziketa osatzea arautu gabeko ikastetxe bezala musika eta dantza esparruan.
- Udalak herrian eta auzoetan antolatutako jaietan parte hartzea.
- Azpeitiko Musika Bandarekin lotutako jarduerak: eskola eta bandaren arteko zubi lanak egingo ditu, hau da, bandan dauden beharrak aztertu eta musika eskolaren bidez banda gaztea sustatu eta indartuko du (instrumentuen eta beharren oreka mantendu); musika zuzendari lanak egingo ditu; entsaioak eta ekitaldiak prestatu eta gidatuko ditu; partituren arxiboko ardura izango du, eta azkenik, instrumentuen mantentzeaz arduratuko da.
- Adineko pertsoneri zuzendutako Izar Berriak proiektua garatzea.

2. ARAUBIDE JURIDIKOA

Diru-laguntza hau arautuko dute, errege dekretu honetan eta diru-laguntza emateko estazioaren bereziki xedatutakoak ez ezik, Diru-laguntzei buruzko azaroaren 17ko 38/2003 Lege Orokorrean eta uztailaren 21eko 887/2006 Errege Dekretuak onartutako hura garatzen duen Erregelamenduan aurreikusitakoak ere, publizitate- eta lehia-printzipioei eragiten dienean izan ezik, bai eta, modu osagarrian, urriaren 1eko Administrazio Publikoen urriaren 1eko 39/2015 Legean (urriaren 1eko Administrazio Prozedura Erkidearen Legoa) aurreikusitakoa ere.

3. DIRU-LAGUNTZA EMATEKO PROZEDURA

Diru-laguntza hau zuzenean emango da, azaroaren 17ko 38/2003 Legearen 22.2.a) artikuluan xedatutakoaren arabera. Diru-laguntza honen oinarri arautzaileak hitzarmen honetan zehazten dira, azaroaren 17ko 38/2003 Legearen 28.2 artikuluan eta azaroaren 17ko 38/2003 Legearen Erregelamenduaren 67. artikuluan xedatutakoa betez.

Udalaren Kultura Saila izango da laguntzaren organo-kudeatzailea, eta laguntzaren jarraipena Udalaren kultura Batzordea izango da.

Diru-laguntza honen publizitatea Udalaren web orrian eta Diru-laguntzen Datu-base Nazionalean egingo da.

4. GAUZATZE ALDIA

Diruz laguntzen diren jarduerako egiteko aldia 2021eko urtarrilaren 1etik abenduaren 31ra arte luzatuko da.

5. LAGUNTZAREN ZENBATEKOA ETA FINANTZAKETA

Diru-laguntza Udalaren 2021. ekitaldirako gastu-aurrekontuaren kontura finantzatu-ko da, 80.400,00 euroko zenbatekoarekin, 1.0400.481.334.00.02 aurrekontu-aplikazioaren kargura.

Hitzarmen honen helburua benetan gauzatzeko, Udalak honako eraikinaren erabilera lagatzen dio JUAN DE ANTXIETA MUSIKA ESKOLA ELKARTEari: Azpeitiko Perdillegi 1 kalean kokatuta dagoen eraikinaren zati bat. Horretaz gain, eraikin horretako mantenu gastuez ere arduratzen da udala: ura, argia, garbiketa...

6. LAGUNTZA ORDAINTZEKO MODUA

Onuraduna izateko baldintzak: Laguntzaren onuraduna izango den JUAN DE ANTXIETA MUSIKA ESKOLA ELKARTEak azaroaren 17ko 38/2003 Legearen 13. artikuluan ezarritako baldintzak bete ditu diru-laguntza kobratzeko.

Ordainketa aurreratua: Diru-laguntza 2021eko martxoan egingo da, ordainketa bakarrean eta modu aurreratuan, diru-laguntzaren helburu diren jarduerak gauzatu ahal izateko beharrezko finantzaketa delako.

Azaroaren 17ko 38/2003 Legearen Erregelamenduaren 42.2.d) artikuluan aurreikusitakoaren babesean, erakunde onuraduna bermea eratzetik salbuetsita geratuko da.

7. BESTE DIRU-LAGUNTZA, LAGUNTZA, DIRU-SARRERA ETA BALIABIDE BATZUEKIKO BATERAGARRITASUNA.

Diru-laguntza hau bateragarria da helburu bererako beste diru-laguntza, laguntza, diru-sarrera edo baliabide batzuekin.

Erakunde onuradunak aurreko paragrafoan aipatutako baliabideak lortu dituela jakinarazi beharko du. Jakinarazpen hori jakin bezain laster egin beharko da, eta, nolana ere, azaroaren 17ko 38/2003 Legearen 14.d) artikuluan ezarritakoaren arabera jasotako funtsei emandako aplikazioa justifikatu aurretik.

Jarduerak, diru-laguntza honekin finantzatzeaz gain, funts propioekin edo beste diru-laguntza edo baliabide batzuekin finantzatu badira, justifikazioan egiaztatu beharko da funts horien zenbatekoa, jatorria eta erabilera diruz lagundutako jardueretan, azaroaren 17ko 38/2003 Legearen 30.4 artikulua arabera.

Diru-laguntzaren zenbatekoak, bakarka edo beste diru-laguntza, laguntza, diru-sarrera edo baliabide batzuekin batera, ezin izango du diruz lagundutako jardueraren kostua gainditu.





Azpeitiko Udala

8. JUSTIFIKAZIOA

Diruz lagundutako jardueren kontura egindako gastuak justifikatzeko epea hilabetekoa izango da, gauzatze-aldia amaitzen denetik aurrera. Hau da, 2022ko urtarrilaren 31a.

Diru-laguntzaren gastua justifikatzeko, erakunde onuradunak gastu-egiaztagiriak aurkeztu beharko ditu **justifikazio-kontuaren modalitatean**, azaroaren 17ko 38/2003 Legearen Erregelamenduaren 72. artikulua araberera.

Azaroaren 17ko 38/2003 Legearen 31. artikuluan ezarritakoaren araberera, 2021eko urtarrilaren 1etik abenduaren 31ra bitartean egindako gastuak egiaztatu ahal izango dira.

Justifikazio-kontuak honako informazioa eman beharko du:

1.- Diru-laguntza emateko ezarritako baldintzak bete direla justifikatzeko jarduketamemoria, egindako jarduerak eta lortutako emaitzak adierazita.

2. Egindako jardueren kostua justifikatzen duen memoria ekonomikoa, honako hauek jasoko dituen:

A) Jardueraren gastuen eta inbertsioen zerrenda sailkatua, honako hauek adierazita: batzuek ordainketa-data. Diru-laguntza aurrekontu baten araberera ematen bada, izandako desbideratzeak adieraziko dira.

B) Diruz lagundutako jarduera finantzatu duten beste diru-sarrera edo diru-laguntza batzuen zerrenda xehatua, zenbatekoa eta jatorria adierazita.

C) Diru-laguntzen Lege Orokorraren 31.3 artikulua aplikatuz, onuradunak eskatu behar izan dituen hiru aurrekontuak.

D) Hala badagokio, itzulketaren ordainketa-gutuna.

Diru-laguntza ematen duen organoak egoki iritzitako egiaztagiriak eskatuko dizkio onuradunari, diru-laguntza behar bezala gauzatu dela egiaztatzeko.

Erakunde onuradunak bere gain hartzen du Diru-laguntzei buruzko azaroaren 17ko 38/2003 Lege Orokorraren 30. artikulua diru-laguntza publikoak justifikatzeari buruz ezartzen dituen betebeharrak.

Justifikazioan, hala badagokio, aplikatu gabeko gerakinen kasuan itzulketaren ordainketa-gutuna jaso beharko da, bai eta azaroaren 17ko 38/2003 Legearen Erregelamenduaren 72.2.g) eta 90. artikuluetatik eratorritako interesak ere.



9. GASTU HAUTAGARRIAK

Diru-laguntza ohiko funtzionamenduari lotutako kostu mota hauek edo antzekoak finantzatzeko erabiliko da:

1. – Langileen kostuak.
2. – Funtzionamendu-kostuak honako hauek dira:
 - Azpiegituren eta tresna teknologikoen mantentze-, konponketa- eta kontserbazio-gastuak.
 - Aholkularitzen eta zerbitzu juridikoen gastuak.
 - Zentroaren aseguruak.
 - Aparteko jardueretako bidaia-gastuak: joan-etorria, mantenua, dietak
 - Marketin- eta publizitate-gastuak.
 - Ustekabeko gastuak: konponketak, istripuak.
 - Langileen kontratazioaren kudeaketari dagozkion gastuak.
 - Irakasleen prestakuntza-kostuak funtzionamendu-gastuetan sartuko dira.

3.- Baliabide materialei dagozkienak:

- Ekipamendu-gastuak.
- Bulegoko materiala
- Altzariak
- Material didaktikoa: inprimatua, ikus-entzunezkoa eta multimedia.

4.- Udalak eskatutako ekintza edo festetan parte hartzeagatik eratorritako

gastuak.



Erakunde onuradunak diru-laguntzaren xede den jarduera azpikontratatu ahal izango du, azaroaren 17ko 38/2003 Legearen 29.2 artikuluan ezarritako mugen barruan.

10. ALDAKETAK

Diru-laguntza ematea eragin duten inguruabarrak aldatuz gero, onuradunak hasieran aurreikusita zeuden jarduerak zabaltzeko, kentzeko edo aldatzeko eskatu ahal izango du, arrazoiak azalduta.

Aldaketek ezin dute inola ere diru-laguntzaren zenbatekoa handitu.

11. ERAKUNDE ONURADUNAREN BETEBEHARRAK

Diru-laguntzaren erakunde onuradunak azaroaren 17ko 38/2003 Legearen 14. artikuluan jasotako betebeharrak bete beharko ditu, eta, bereziki, betebehar hauek izango ditu:

A) Helburua betetzea, jarduera egitea eta diru-laguntza emateko oinarri den portaera hitzarmen honetan eta diru-laguntza emateko ebazpenean ezarritako moduan, baldintzetan eta epean



Azpeitiko Udala

hartzea, dagozkion justifikazioak aurkeztuz eta Kultura Sailak jarduketak behar bezala ebaluatzeko behar diren datuak emanez.

B) Organo eskudunak eskatutako gastuak justifikatzea fakturekin eta merkataritzako trafiko juridikoan froga-balio baliokidea duten edo eraginkortasun administratiboa duten gainerako dokumentuekin.

C) Diruz lagundutako jardueretarako funtsen aplikazioaren kontrol- eta jarraipen-jarduketak onartzea, dokumentuak egiaztatuz eta Kultura Sailak finantzaturako jardueren amaierako ebaluazioa eginez, bai eta Kontuhartzailtzak eta Kontu Auzitegiak funtsen finantza-kontrola egitea ere.

D) Diru-laguntza publikoak kudeatzeko prozedurak modernizatzen laguntzea, Udalak zehaztutako tresna informatikoak erabiliz.

E) Diru-laguntza jasotzen duten proiektuen eduki nagusia osatzen duten jarduerak kudeatzea eta zuzenean egitea.

F) Datuak babesteari buruz indarrean dagoen araudian xedatutakoa betetzea.

Alderdiek adierazten dute ezagutzen dituztela Datu Pertsonalak Babesteko eta Eskubide Digitalak Bermatzekoari buruzko (3/2018) Lege Organikoari eta Datu pertsonalen tratamenduari dagokionez pertsona fisikoen babesari eta datu horien zirkulazio askeari buruzko arauak ezartzen dituen eta 95/46/EE Zuzentaraua (Datuak Babesteko Erregelamendu Orokorra) indargabetzen duen Europako Parlamentuaren eta Kontseiluaren 2016/679 (EB) Erregelamenduari buruzko xedapenak, eta konpromisoa hartzen dute lege horretan aurreikusitako betekizunak betetzeko, hitzarmen hau dela-eta dauzkaten erabiltzaileen datuei dagokienez.

G) Diru-laguntzaren jatorria behar bezala identifikatzea eta jardueraren finantzaketaren izaera publikoa behar bezala zabaltzea. Horretarako, diruz lagundutako jarduera zabaltzeko erabiltzen den materialean, proiektuaren ondorio izan daitezkeen iragarkiak, kartelak eta argitalpenak txertatu beharko ditu, bai eta gauzatutako jardueren inguruko esku-hartze publikoetan ere.

H) Bere webgunean argi eta garbi adieraztea diruz lagundutako jarduerak Udalaren diru-laguntzen bidez gauzatzen direla.



12. EZ BETETZEAK ETA ITZULKETAK

Bidezkoa izango da jasotako zenbatekoak eta, hala badagokio, diruz lagundutako jarduerak sortutako diru-sarrerak eta diru-laguntzagatik sortutako interesak itzultzea, bai eta dagokion berandutze-interesa eskatzea ere, diru-laguntza ordaintzen denetik bidezkoa den egunera arte.

13. ZEHAPEN-ARAUBIDEA

Diruz lagundutako erakundeak diru-laguntzen arloan egin ditzakeen arau-haustek azaroaren 17ko 38/2003 Legearen IV. tituluan eta azaroaren 17ko 38/2003 Legearen Erregelamenduaren IV. tituluan ezarritakoaren arabera mailakatu eta zehatuko dira.

Eta, hitzarmen honetan ezarritakoarekin bat datozela adierazteko, hala jasota gera dadin eta dagozkion ondorioak izan ditzan, jarraian agertzen direnek honelako hiru ale sinatu dituzte, jatorrizkoak, idazpuruan adierazitako lekuan eta egunean.

<p>Nagore Alkorta Elorza Azpeitiko Udala</p>  <p>Azpeitiko Udala AIKATETZA</p>	<p>M^a Jose Bikendi Aranaga Juan De Antxieta Musika Eskola Elkarte</p> 
--	---